



Bosnia and Herzegovina
Federation of Bosnia and Herzegovina

CANTON SARAJEVO

Ministry of Traffic

Broj: 04-11-40580-4/24 BT
Sarajevo, 08.11.2024.godine

Na osnovu člana 69. Stav (1) tačka a) i člana 70. stav (1), (3) i (6) Zakona o javnim nabavkama („Sl. glasnik BiH“ broj:39/14, 59/22 i 50/24), te Preporuke Komisije u postupku javne nabavke pod nazivom „Održavanje stajališta tramvajske pruge- LOT II Čišćenje i pranje stajališta tramvajske pruge“ iz zapisnika o pregledu i ocjeni ponuda br: 04-11-40580-3/24 od 07.11.2024.godine, Ministar saobraćaja Kantona Sarajevo donosi:

ODLUKU **o izboru najpovoljnijeg ponuđača**

Član 1.

Prihvata se Preporuka Komisije za nabavku u postupku javne nabavke pod nazivom „Održavanje stajališta tramvajske pruge- LOT II Čišćenje i pranje stajališta tramvajske pruge i ugovor dodjeljuje ponuđaču **Procesna oprema inženjering d.o.o.** prema dostavljenoj ponudi br: 04-11-49890 od 06.11.2024. godine u ukupnoj vrijednosti od **62.478,00 KM sa PDVom.**

Član 2.

Prijedlog Ugovora dostavit će se na potpis izabranom ponuđaču nakon isteka roka od 15 dana od dana kada su svi ponuđači obaviješteni o izboru najpovoljnijeg ponuđača.

Izabrani ponuđač je dužan dostaviti dokaze o kvalificiranosti u roku od 5 dana od dana zaprimanja ove odluke, i to:

- izvod iz kaznene evidencije nadležnog suda da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili zemlji u kojoj je registrovan;
- izvod ili potvrda iz evidencije u kojim se vode činjenice da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-058, + 387 (0) 33 562-059

Web: <http://ms.ks.gov.ba>, E-mail: ms@ms.ks.gov.ba

1/4

- potvrde nadležne poreske uprave ili ukoliko se radi o ponuđaču koji nije registrovan u Bosni i Hercegovini, potvrda ili izvod iz evidencije na osnovu koje se može utvrditi da uredno izmiruje obaveze za penzijsko i invalidsko osiguranje i zdravstveno osiguranje.
- potvrde nadležne/ih institucija o uredno izmirenim obavezama po osnovu direktnih i indirektnih poreza.

Ponuđač je dužan da, u smislu odredbi člana 45. stav (1) tačka a), u vezi sa stavom (2) tačka a) iste odredbe Zakona o javnim nabavkama, dostavi uvjerenje Suda BiH i uvjerenje suda prema sjedištu pravnog lica, odnosno kandidata/ponuđača, iz kojih će biti vidljivo da mu u krivičnom postupku nije izrečena pravosnažna presuda kojom je osuđen za sva krivična djela iz člana 45. stav (1) tačka a) Zakona.

U slučaju da ponuđač ima zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužan je dostaviti potvrdu nadležne institucije/a da u predviđenoj dinamici izmiruje svoj reprogramirane obaveze.

Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.

Član 3.

Ova Odluka objavit će se na web stranici ugovornog organa [www:http.ms.ks.gov.ba](http://www.ms.ks.gov.ba) istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 04-11-40580/24 BT od 10.10.2024. godine – „Održavanje stajališta tramvajske pruge- LOT II Čišćenje i pranje stajališta tramvajske pruge. Javna nabavka je provedena putem postupka: Otvoreni postupak. Vrijednost javne nabavke bez PDV-a iznosi 200.000,00 KM, dok je procijenjena vrijednost LOT-a 55.000,00 KM bez PDV-a. Za predmetnu nabavku objavljeno je obavještenje o nabavci na portalu javnih nabavki pod brojem 1242-1-2-40-3-37/24 dana 11.10.2024. godine u 09:30h.

Rok za dostavu ponuda bio je 06.11.2024. godine do 10,00 sati.

Za navedenu nabavku u predviđenom roku i uredno zatvorenim kovertama, dostavljene su ponude ponuđača:

- **PROCESNA OPREMA INŽINJERING d.o.o.**
- **MIŠKO GROUP d.o.o.**

U skladu sa Odlukom o pokretanju postupka, Komisija za javnu nabavku, formirana Rješenjem o imenovanju broj: 04-11-40580-1/24 BT od 29.10.2024.godine provela je proceduru nabavke, obavila javno otvaranje ponuda, sačinila i dostavila Zapisnik otvaranju ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, te utvrdila:

- da je ukupan broj pristiglih ponuda- dva (2)
- da su blagovremeno zaprimljene dvije (2) ponude
- da nema neblagovremeno zaprimljenih ponuda

Komisija je sačinila Zapisnik o pregledu i ocjeni ponuda broj: 04-11-40580-3/24 od 07.11.2024. godine i u istom je utvrđeno da je ponuđač PROCESNA OPREMA OPREMA INŽINJERING d.o.o. dostavio ponudu koja ispunjava formalno-pravne uslove za učešće i druge uslove propisane od strane ugovornog organa.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-058, + 387 (0) 33 562-059

Web: <http://ms.ks.gov.ba>, E-mail: ms@ms.ks.gov.ba

2/4

Ponuda ponuđača MIŠKO GROUP d.o.o. ocijenjena je kao **neprihvatljiva i nepravilna**, obzirom da ne sadrži dokumentaciju kako je zahtijevano tačkom 9. tenderske dokumentacije i ne ispunjava uslove za kvalifikaciju tačka 8. TD, kako slijedi:

1. Obrazac za ponudu potpisan od strane lica za koje nije dostavljen dokaz da je isto ovlašteno za potpisivanje
2. Obrazac za cijenu ponude potpisan od strane lica za koje nije dostavljen dokaz da je isto ovlašteno za potpisivanje
3. Nije dostavljen dokaz o sposobnosti obavljanja profesionalne djelatnosti
4. Izjava iz člana 45. ZJN potpisana od strane lica za koje nije dostavljen dokaz da ima ovlaštenje o zastupanju i davanju navedene izjave
5. Izjava iz člana 52 ZJN potpisana od strane lica za koje nije dostavljen dokaz da ima ovlaštenje o zastupanju i davanju navedene izjave
6. Izjava o povjerljivim informacijama potpisana od strane lica za koje nije dostavljen dokaz da je isto ovlašteno za potpisivanje
7. Nacrt okvirnog sporazuma potpisann od strane lica za koje nije dostavljen dokaz da je isto ovlašteno za potpisivanje
8. ponuda nije izrađena na način kako je to propisano tenderskom dokumentacijom iz razloga što ponuđač nije stranice ponude označio brojevima.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda koji čini sastavni dio ove odluke.

U skladu sa kriterijumom za dodjelu ugovora "najniža cijena", **ugovor se dodjeljuje ponuđaču Procesna oprema inženjering d.o.o. u ukupnoj vrijednosti nabavke 62.478,00 KM (sa PDV-om)**. Za predmetnu nabavku će se zaključiti okvirni sporazum.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo uložiti žalbu u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14, 59/22 i 50/24).

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Žalilac je obavezan platiti naknadu za pokretanje žalbenog postupka u skladu sa članom 108. Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.

Dokaz o plaćenju naknadi za pokretanje žalbenog postupka obavezno se dostavlja ugovornom organu u roku za izjavljivanje žalbe.

MINISTAR

Prilog:

- Zapisnik o pregledu i ocjeni ponuda broj: 04-11-40580-3/24
od 07.11.2024.godine sa svim priložima



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-058, + 387 (0) 33 562-059

Web: <http://ms.ks.gov.ba>, E-mail: ms@ms.ks.gov.ba

3/4

Dostaviti:

1. Procesna oprema inženjering d.o.o.
Ul. Vlade Miloševića 65, 78252 Trn Laktaši
2. Miško Group d.o.o.
Ul. Papratnica 108, 72230 Žepče
3. Ministarstvo saobraćaja Kantona Sarajevo
4. evidenciji
5. a/a



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-058, + 387 (0) 33 562-059

Web: <http://ms.ks.gov.ba>, E-mail: ms@ms.ks.gov.ba

4/4